



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCXXV. Die Markgrafen Friedrich und Johann genehmigen den zwischen Alt- und Neustadt Salzwedel aufgerichteten Vertrag ihrer Vereinigung zu einer Stadt, am 1. Dezember 1434.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

vallen mogen, dem Erligen priesteren Hern Johan buckholte, vicario in Sancti peters kerken to Stendal, vnd dem Hebbere dessis briues, mit synem guden willen ene marc stendalscher weringe iarlicher tinsse vor twintig marc der suluen weringe, de he vns wol to dancke entrichtit hefft vnd de wii vort in vnser stat nut vnd behuff gebracht hebben. Desse marc stendalscher weringe Schole wy vnd willen vnd vnse nakomelinge dem vorbenomeden Hern Johann vnd dem Hebbere dessis briues mit synem guden willen vth den tinsen, renten vnd gudern, de vnser stat alle iarliks vallen mogen, alle iar geuen vnd Betalen vppe sancti mertins dag des hilgen bischoppis bynnen der stat Stendal sunder weddersprake edder argelift, vnd doch also mede Inbescheiden, wenne wy edder vnse nakomelinge de marc stendalscher weringe wedderascopen willen, So schole wii dem genomeden Hern Johan edder dem Hebbere synes briues mit synem guden willen dat ein verndel iars to vorne wittig laten werden. Wenne de tyd denne vmme komen is, So Schole wy vnd vnse nakomelinge vnd willen dem suluen Hern Johann edder dem Hebbere dessis briues mit synem willen, weddergeuen vnd betalen Bynnen der stat Stendal de vorgeschreuen twintich marc stendalscher weringe mit den tinsen, de denne na andeel der tiid dar van behoren mogen. Wenn dat also geschen is, So schal de marc vorgeschreuerer rente vnser stat wedder vry vnd los sin. Desses to orkunde vorlegelt mit vnser stat Ingefegil willigen gehangen an dessen briff, de gegeuen is am auende Sancti andree apostoli, na Cristli gebort verteinhundert iar, dar na In dem vervndruttingsten Jare.

Nach dem Originale des Salz. Archives XVII, 28.

CCCXXV. Die Markgrafen Friedrich und Johann genehmigen den zwischen Alt- und Neustadt Salzwedel aufgerichteten Vertrag ihrer Vereinigung zu einer Stadt, am 1. Dezember 1434.

Wir fridrich, von gots gnaden marggraue zu Brandenburg vnd Burggraue zu Nuremberg etc., Bekennen offentlichen mit diesem brieffe fur vns, vnser erben vnde nachkommen Marggraue, das wir dorch vnser herfschaft vnd des gemeynen besten nutzses vnd fromen willen vnd auch auff das vnser beyder Stete Salczwedel gepessert, gemert vnd gestercket mugen werden, haben wir denselben vnsern Steten Salczwedel nach Rate vnd wollerdachten mude diesse hienachgeschriebene stücke, punckte vnd artikel bewillet, geuolbort vnd gnediclichen zugelassen. Zcum ersten, solliche vereynung vnd freuntlich vertragunge, Als die selben vnser lieben getrewen Rete vnd Burger vnser beyder Stete Salczwedel jngesampt in allen stucken, vnser herfschaft vnd denselben vnsern Steten zu nutzse vnd fromen, vber eyn zu sein mit irem Rate vnd andern vngewerlichen sachen, gleicherweisz vnd jn maizen Ob es ein Stat were, newrlichen begriffen vnd angehoben haben in teidingen, Als da bey vnd vber vnser lieben getrewen die von der Schulenburg gewesen sein, Sunderlichen wenn die in der Altenstatt einen wochemarckt haben, So fullen vnd mugen die in der newenstatt auch einen besondern wochemarckt in der woche haben, Also das eins mit dem andern zugee an geuerde. Vnd weres sach, das sich die vorgeschrieben vnser Stete Salczwedel jn vnser herrefschafft vnd der selben statt nutz vnd fromen zu ewigen czeiten so zu bleiben surder vnter einander vertragen worden, das sol vns wolgeuallen, doch vns, vnsern

erben, vnser herſchafft vnd nachkommen an vnſern alten gewonheiten vnd gerechtigkeiten vnſchedlichen ohn alles geuerde. Auch weres, das ſich in vnſern obgeſchrieben Steten Salczwedel nuſhalbz mer nach gebunge dieſes briefes ſachen zu richten veruilen, die in der ſtatt verſigelt vnd confirmirten priuilegien vnd ſunderlichen freiheiten nicht berurt, namhaftig gemacht, noch aufgedruckt ſein, die ſachen all zu Salczwedel nuſhalbz mer geſcheen Sol man nach gemeynem rechte richten, weiſen vnd teilen nach laute vnd aufzweiſung der furſten briefe, priuilegia obgeſchrieben darvber gegeben, vnd ſo verre die jnehalten vnd weiſen ongeuerde, zu ſolichen obgeſchrieben puncten, ſtucken vnd artikelen geben wir obgnanter Marggraue fridrich fur vns, vnſer erben vnd nachkommen Marggrauen vnſern gunſt, willen vnd volbort in crafft dieſz briefes, doch vns, vnſern erben vnd nachkommen an vnſern alten gewonheiten vnd gerechtigkeiten vnſchedlichen on alles geuerde: vnd wir Johannis, ſein Sone, Marggraue zu Brandenburg vnd Burggraue zu Nuremberg, Bekennen auch geinwertlich mit crafft dieſz briefs, das ſolich obgeſchrieben ſachen, ſtucke vnd artikele mit vnſerm guten willen vnd volbort fur dem obgnanten vnſerm lieben hern vnde vater betedingt vnd vbergeben ſein, des zu merir ſicherheit vnd bekentniß haben wir gnanter marggraue Johannis vnſer Ingeſigel fur vnſern lieben hern vnd vater, fur vns, vnſer erben vnd nachkommen mit gutem gewiſſen an dieſſen brieff laſſen hengen, der geſchrieben vnd geben iſt zu Cadelczburg, An der mittwoch nach ſant Andrestag des heiligen czwelfboten, Anno domini M^o. CCCC^o. XXXIII^o.

Nach dem Copialbuche des Markgrafen Johann, fol. 89. 90.

CCCXXVI. Die Markgrafen Friedrich und Johann beſtätigen nochmals die Vereinigung beider Städte Salzwedel und verordnen, daß in ſtreitigen Sachen nach gemeinem Sachſenrechte ſoll verfahren werden, am 7. Dezember 1434.

Wir fridrich, von gots gnaden Marggraue zu Brandenburg, des heiligen Romiſchen Reichs Ertezkammer vnde Burggraue zu Nuremberg, Bekennen offentlichen mit dieſſem Brieffe fur vns, vnſer Erben vnd nachkommen marggrauen, das wir durch vnſer herſchafft vnd des gemeynen beſten, nutztes vnd frommen willen vnd auch auff das vnſer beyder ſtete Salczwedel gepfeſert, gemert vnd geſtercket mugen werden, haben wir denſelben vnſern ſteten Salczwedel nach Rate vnd wolbedachtem mute dieſe hienachgeſchriben ſtucke, puncte vnd Artickel Bewillet, geuolbort vnd gnediglichen zeugelafen. Zum erſten ſoliche vereynunge vnd fruntlich uertragunge, Als dieſelben vnſer lieben getrewen vnſer Rete vnd Burger vnſer beyder ſtete Salczwedel Ingeſampt in allen ſtucken, vnſer herſchafft vnd denſelben vnſern Steten zu nutze vnd frommen, vber ein zu ſein mit Irem Rate vnd anderen vngeuerlichen ſachen gleicherweiß vnd Inmaſzen, ob es eyne ſtatt wer, newelichen begriffen vnd angehoben haben. Als dabey vnd über vnſer lieben getrewen die von der Scholenburg in tedingen gewefen ſein, Sunderlichen wenn die In der Altenſtatt einen woche-marckt haben, So ſullen vnd mugen die In der newenſtatt auch einen beſondern woche-marckt In der woche haben, Alzo das eins mit dem andern gleich czugee, on geuerde. Vnd wer es ſach, das ſich dieſelben vnſer ſtete Salczwedel zu vnſer herſchafft vnd